



Broj:03-50- 53/ ZUO
Sarajevo, 17.05.2022 godine

**ZAPISNIK
SA 12. REDOVNE SJEDNICE**

**Upavnog odbora Samostalnog sindikata državnih službenika i zaposlenika u
institucijama BiH**

Na osnovu člana 39. Statuta Samostalnog sindikata državnih službenika i zaposlenika u institucijama BiH i člana 7. Poslovnika o radu Upavnog odbora, dana 17.05.2022 godine sa početkom u 15,00 sati, održana je 12. (dvanaesta) Redovna sjednica Upavnog odbora Sindikata.

➤ **Sjednici su prisustvovali slijedeći članovi UO:**

1. Salih Karčić, predsjednik Sindikata BiH
2. Radenko Mirković, zamjenik predsjednika Sindikata BiH
3. Adnan Hrapović, član UO Sindikata BiH
4. Sanja Skočir, član UO Sindikata BiH
5. Goran Ždrale, član UO Sindikata BiH
6. Miroslav Vujčić, član UO Sindikata BiH
7. Mujo Rančić, član UO Sindikata BiH
8. Vanja Grabovac, član UO Sindikata BiH
9. Dario Šegrt, član UO Sindikata BiH
10. Miroslav Kovžan, član UO Sindikata BiH
11. Naser Husić, član UO Sindikata BiH
12. Saša Šeslija, član UO Sindikata BiH
13. Luca Zečirević, član UO Sindikata BiH
14. Vedran Čolo, član UO Sindikata BiH
15. Ismir Olovčić, član UO Sindikata BiH
16. Enis Ajkunić, član UO Sindikata BiH

➤ **Sjednici nisu prisustvovali sljedeći članovi UO:**

1. Branko Trkulja, zamjenik predsjednika Sindikata BiH
2. Rifet Hodžić, član UO Sindikata BiH
3. Davor Dujmović, član UO Sindikata BiH
4. Hajrudin Dumanjić, član UO Sindikata BiH
5. Jasna Ramić, član UO Sindikata BiH
6. Branka Petković, član UO Sindikata BiH
7. Dragan Marušić, član UO Sindikata BiH
8. Zvjezdan Jamaković, član UO Sindikata BiH
9. Dejan Ružić, član UO Sindikata BiH

➤ **U svojstvu gosta sjednici su prisustvovali i**

1. Dženita Homarac, advokat Sindikata
2. Nebojša Lajić, član Savjetodavnog tima Sindikata
3. Danka Govederica, član Savjetodavnog tima Sindikata.

Zapisnik sa 12. sjednice Upravnog odbora je vodila Mirela Zaimović, tehnički sekretar Sindikata.

Sjednicom je predsjedavao, te ujedno je otvorio i vodio predsjednik Sindikata BiH i predsjednik UO Sindikata Salih Karčić.

Predsjednik je prisutne pozdravio i poželio dobrodošlicu novoizabranim članovima Upravnog odbora, kao i gostima prisutnim na sjednici Upravnog odbora Sindikata.

➤ **Predsjednik je predložio sljedeći Dnevni red:**

1. 1. Usvajanje Zapisnika sa 11. Sjednice UO;
2. KOLEKTIVNI UGOVOR
 - 2.1 Usvajanje odluke o organizovanju protesta 31.05.2022. godine,
 - 2.2 Imenovanje pregovaračkog tima za kolektivno pregovaranje
3. Dodjela stimulacije za organizovanje Skupštine Sindikata;
4. Izmjena i dopuna Pravilnika o organizaciji i radu SO- prijedlog SO MO;
5. Rasprava o organizaciji i radu SO MO,
6. Razno

6.1 Izvještaj o odobrenim zahtjevima za jednokratne novčane pomoći članovima Sindikata

6.2 Imenovanje potpisnika na kartonu deponovanih potpisa,

6.3 Isplata naknade radi odlaska u penziju za dugogodišnjeg i aktivnog člana UO Gordanu Šarović.

➤ *Nakon čitanja predloženi dnevni red je usvojen JEDNOGLASNO.*

Ad 1. Usvajanje Zapisnika sa 11.sjednice Upravnog odbora;

Na dostavljeni zapisnik sa 11. sjednice UO Sindikata nije bilo dopuna i primjedbi te je predsjednik Sindikata zamolio prisutne da se izjasne.

➤ *Zapisnik je usvojen sa 15 glasova ZA i 1 SUZDRŽAN (Radenko Mirković).*

Ad 2. Kolektivni ugovor;

Predsjednik je podsjetio prisutne da je ovo tačka o kojoj se raspravlja na svakoj sjednici Upravnog odbora, kao i da se informacija o tome šta se do sada radilo po ovoj tački dnevног reda na prethodnim sjednicama Upravnog odbora, može naći na WEB stranici Sindikata.

Član UO Miroslav Vujić je imao upit za advokata Sindikata g-đu Dženitu Homarac „da li zaposlenici imaju pravo podnijeti tužbu protiv poslodavca zbog nepotpisivanja Kolektivnog ugovora kao i neodgovaranje na dostavljene dopise“.

Advokat Sindikata g-đa Homarac je navela da je ne postoji mogućnost Tužbe za nepotpisivanje Kolektivnog ugovora, obzirom da Kolektivni ugovor predstavlja saglasnu volju dvije ugovorne strane, obzirom da nije u pitanju upravni postupak da bi se išlo na šutanje administracije. Jedina mehanizam koji Sindikat ima jesu mjere organizacije protesta i štrajka, medijskog prezentovanja problema zaposlenih. Kada su u pitanju protesti, navela je da je jako bitna brojnost učesnika, te da je potrebno provjeriti da li postoje mehanizmi obaveze i dužnosti članova Sindikata kako bi se afirmisali da izađu na proteste. Također je navela da Savjetodavni tim prouči međunarodne konvencije čiji je potpisnik BiH te provjeri mogućnost podnošenja tužbe za diskriminaciju obzirom da su zaposleni u institucijama BiH diskriminirani zbog nepotpisivanja Kolektivnog ugovora naspram zaposlenih u institucijama na nizim nivoima vlasti, kao i onima u regiju.

Predsjednik je predložio da Savjetodavni tim, kada bude imao vremena, provjeri navedeno te da o tome izvesti UO Sindikata.

2.1. Usvajanje Odluke za organizovanje protesta 31.05.2022. godine

Predsjednik Sindikata je napomenuo prisutne da je potrebno pravovremeno početi sa organizacijom protesta. Naveo je da je potrebno minimalno 7 dana kako bi se najave pripremile i dostavile u Zakonom predviđenom roku. S tim u vezi predlaže da se donese Odluka o organizaciji o održavanju protesta zaposlenih u institucijama BiH dana 31.05.2022.godine, te da se krene u pripremu i realizaciju istih.

U skladu sa navedenim:

➤ *Upravni odbor je JEDNOGLASNO usvojio Odluku da se mirno okupljanje/javni protesti zaposlenih u institucijama BiH održe 31.05.2022.godine na platou ispred zgrade Parlamentarne skupštine BiH.*

2.2 Usvajanje Odluke o imenovanju predgovaračkog tima za kolektivno pregovaranje ispred Sindikata;

Predsjednik je predložio da se u pregovarački tim Sindikata, pored predsjednika Sindikata, imenuju i još dva člana iz Savjetodavnog tima i to Anto Stanić i Nebojša Lajić. Također naveo je da kada dođe do pregovora konsultovat će se advokat kao i cijeli Savjetodavni tim, te da će o svim aktivnostima biti obavještavan upravni odbor Sindikata.

➤ *Upravni odbor je JEDNOGLASNO usvojio Odluku o imenovanju pregovaračkog tima ispred Samostalnog sindikata državnih službenika i zaposlenika u institucijama BiH za kolektivno pregovaranje i zaključenje Kolektivnog ugovora za zaposlene u institucijama BiH, u sastavu:*

1. *Salih Karčić, predsjednik Sindikata,*
2. *Anto Stanić, član tima,*
3. *Nebojša Lajić, član tima.*

Ad 3. dodjela stimulacije za organizovanje Skupštine Sindikata;

Predsjednik je predložio da se Erminu Terki dosadašnjem predsjedniku Skupštine, dodijeli jednokratna novčana nagrada/ stimulacija u iznosu od 200,00 KM. Naveo je da je kolega Ermin pripremao i vodio cijelu sjednicu Skupštine, a što je bio izuzetno težak posao obzirom na količinu materijala, te da je ovo ujedno bila i dijelom Vanredna izborna Skupština.

➤ *Upravni odbor je sa 14 glasova ZA i 2 glasa SUZDRŽAN (Vedran Čolo i Saša Šešlja) donio Odluku da se Erminu Terki isplati jednokratna novčana nagrada/ stimulacija u iznosu od 200,00 KM za poseban rad trud i doprinos organizaciji i sprovedbi sjednice Skupštine Sindikata održane 21.04.2022.godine .*

Ad 4. Izmjena i dopuna Pravilnika o organizaciji i radu SO- prijedlog SO MO;

Predsjednik je podsjetio prisutne da je na predhodnim sjednicama UO dostavljan pomenuti prijedlog Pravilnika, te da je na zahtjev UO vraćen na dorado. Također je naveo da je traženo da se kvorum za sjednice Skupštine sindikalnih organizacija iskaže procentualno. Međutim, i nakon korekcija od strane predлагаča, prijedlog je nerealan iz razloga što je navedeno da sindikalne organizacije koje imaju manji broj članova, da bi održale skupštinu moraju imati kvorum 100% od broja članova.

Obzirom da predlagači, članovi ispred SO Ministarstva odbrane BiH nisu prisutni na sjednici, član UO Luca Zečirević je predložila da se ne raspravlja po navedenom Pravilniku, te da se zaduži Savjetodavni tim da izvrše korekcije te pronađu najbolje rješenje za sve sindikalne organizacije.

➤ *S tim u vezi Upravni odbor je sa 15 glasova ZA i 1glas SUZDRŽAN (Vanja Grabovac) usvojio Prijedlog da se zaduži Savjetodavni tim da izvrše korekcije te pronađu najbolje rješenje za sve sindikalne organizacije .*

Ad 5. Rasprava o organizaciji i radu sindikalne organizacije Ministarstvo odbrane BiH;

Predsjednik je obrazložio hronologiju problema u funkcionisanju i radu sindikalne organizacije Ministarstva odbrane. Također ponovio je i razloge za suspenziju potpisa na kartonu deponovanih potpisa, a o čemu se raspravljaljalo na prethodnim sjednicama UO kao i na Skupštini Sindikata. Obzirom da je na jednoj od predhodnih sjednica UO predsjednik predložio da se isključi iz članstva Sindikalna organizacija, te da Upravni odbor Sindikata nije potražao takav prijedlog, predsjednik Sindikata je naveo da je potrebno da se iznađu rješenja u korist članova iz sindikalne organizacije Ministarstva odbrane a koja neće kompromitirati rad Samostalnog sindikata. Predsjednik je naveo da su u materijalu za sjednicu dostavljeni odgovori i mišljenja advokata Sindikata, Savjetodavnog tima Sindikata i Ministarstva pravde BiH, iz čega je vidljivo da je on kao odgovorno lice za zakonit rad sindikata i sindikalnih organizacija, postupio u skladu sa Statutom sindikata, kao i Zakonom o udruženjima i fondacijama.

Član UO Saša Šešlija je naveo pribavljeni mišljenja nisu dokaz da je sindikalna organizacija djelovala mimo Statuta i Zakona, te da su predstavnici sindikalne organizacije Ministarstva odbrane BiH insistirali da se račun deblokira do pribavljanja dokaza.

Član UO Luca Zečirević smatra da mišljenja su dovoljana osnova da UO iznese i usvoji svoje mišljenje o navedenoj situaciji, te da na osnovu toga se formiraju dalji koraci za postupanje prema sindikalnoj organizaciji Ministarstva odbrane BiH.

Advokat Sindikata g-đa Homarac je navela da relevantan dokaz bi bio jedino da se preda prijava protiv sindikalne organizacije, a osoba koja bi odgovarala je predsjednik Sindikata i Upravni odbor Sindikata. Navela je i da je dovoljan dokaz za podnošenje krivične prijave Pravilnik koji je donijela sindikalna organizacija, ugovori sa pravnim subjektima sa jasno definisanim procentima provizije koju nesmiju ugovoriti i novčane pozajmice. Navela je da je jako bitno da se zaštiti integritet Sindikata te da se poduzmu konkretne mjere po navedenom pitanju.

Član UO Miroslav Vujčić je naveo da je glasao protiv isključenja sindikalne organizacije iz članstva Sindikata, isključivo radi članova, ali je kategorički ZA da se isključe iz članstva svi predstavnici sindikalne organizacije Ministarstva odbrane BiH. Smatra da nije opravданje da nisu znali kada su djelovali mimo Statuta, Zakona i pravilnika Sindikata, jer svako ko vodi bilo koje udruženje mora se upoznati sa zakonskim propisima. Naveo je također, da je jako loše, nekolegijalno i neprofesionalno ponašanje na sjednicama predstavnika sindikalne organizacije Ministarstva odbrane.

Član UO Luca Zečirević je predložila da se decidno formuliše i ugradi u Pravilnik o organizaciji i radu sindikalnih organizacija, način ostvarivanja prava na korištenje ID broja Sindikata kako bi sindikalne organizacije mogle nesmetano i u skladu sa Statutom potpisivati ugovore u korist svog članstva, također predlaže da sindikalne organizacije dostave Savjetodavnom timu Pravilnike o materijalno finansijskom poslovanju na revidiranje i uvid.

➤ *S tim u vezi Upravni odbor je usvojio JEDNOGLASNO predloženi zaključak.*

Član UO Dario Šegrt je napomenuo da je nemoguće pravdati se da nisu znali da ne trebaju plaćati porez, te da porezna uprava ima pravo vršiti kontrolu unazad pet godina te da će u tom slučaju biti odgovoran Sindikat.

S tim u vezi predsjednik Sindikata je iznio prijedlog mijera za organe sindikalne organizacije Ministarstva odbrane i to:

1. Da se usvoji Zaključak UO i predloži Skupštini Samostalnog Sindikata da se suspenduju sa funkcija na period od 3 godine kompletno rukovodstvo SO MO (Predsjednik SO, zamjenik predsjednika SO, sekretar, predsjednik Skupštine SO, Sindikalni odbor, Nadzorni odbor SO, članovi UO Samostalnog Sindikata, članovi Skupštine Samostalnog Sindikata).
2. Da se, zbog isteka mandata rukovodstvu SOMO, organizuje Skupština SOMO, uz prisustvo Tima za saradnju sa SO, i izabere novo rukovodstvo SOMO
3. Da sve svi pravilnici stave van snage i usvoje novi pravilnici usklađeni sa Statutom Samostalnog Sindikata i Pravilnikom o radu i organizaciji SO.

4. Da se raskinu postojeći ugovori sa dobavljačima koji sadrže proviziju od 2% i da se sklope novi ugovori (bez ikakvih provizija).
5. Da SO MO pismenim putem obavjesti UO Samostalnog Sindikata o svim provedenim aktivnostima.
6. Da se UO Samostalnog Sindikata dostavi Zapisnik Porezne uprave FBiH poslije izvršenog nadzora nad finansijskim poslovanjem SO MO.
7. Da SOMO sve navedene aktivnosti završi u roku od 30 dana.

Advokat Sindikata gđa Homarac je navela da se zaključak pod broj jedan stavi kao zadnji obzirom da je navedeno u ingerenciji Skupštine Sindikata, te da ide na Skupštinu kao prijedlog Upravnog odbora Sindikata.

➤ *Nakon provedene diskusije Upravni odbor je usvojio JEDNOGLASNO sljedeće zaključake:*

- *Da se, zbog isteka mandata rukovodstvu Sindikalne organizacije Ministarstva odbrane, organizuje Skupština Sindikalne organizacije MO, uz prisustvo Tima za saradnju sa SO, i izabere novo rukovodstvo Sindikalne organizacije Ministarstva odbrane;*
- *Da sve svi pravilnici Sindikalne organizacije Ministarstva odbrane stave van snage i usvoje novi pravilnici usklađeni sa Statutom Samostalnog sindikata državnih službenika i zaposlenika u institucijama Bosne i Hercegovine i Pravilnikom o radu i organizaciji Sindikalnih organizacija;*
- *Da se raskinu postojeći ugovori koje je Sindikalna organizacija Ministarstva odbrane zaključila sa dobavljačima koji sadrže proviziju od 2% i da se zaključe novi ugovori (bez ikakvih provizija);*
- *Da Sindikalna organizacija Ministarstva odbrane pismenim putem obavjesti Upravni odbor Samostalnog sindikata državnih službenika i zaposlenika u institucijama Bosne i Hercegovine o svim provedenim aktivnostima;*
- *Da Sindikalna organizacija Ministarstva odbrane sve navedene aktivnosti završi u roku od 30 dana od dana prijema zaključaka Upravnog odbora;*
- *Da se Upravnom odboru Samostalnog sindikata državnih službenika i zaposlenika u institucijama Bosne i Hercegovine dostavi zapisnik Porezne uprave Federacije Bosne i*

Hercegovine poslije izvršenog nadzora nad finansijskim poslovanjem Sindikalne organizacije Ministarstva odbrane;

- *Da se predloži Skupštini Samostalnog sindikata da suspenduje sa funkcija na period od tri godine kompletno rukovodstvo Sindikalne organizacije Ministarstva odbrane (predsjednik, zamjenik predsjednika, sekretar, predsjednik Skupštine, Sindikalni odbor, Nadzorni odbor, članovi Upravnog odbora Samostalnog sindikata, članovi Skupštine Samostalnog sindikata);*
- *Da sindikalna organizacija pismenim putem obavijesti Upravni odbor Sindikata o provedenim aktivnostima.*

Ad 6. Razno;

6.1. Izvještaj o odobrenim zahtjevima za jednokratne novčane pomoći članovima Sindikata

Predsjednik je naglasio da je Mirela Zaimović dostavila Izvjestaj o realiziranim zahtjevima za jednokratnu novčanu pomoć članovima Sindikata,

➤ *Upravni odbor je Informaciju o odobrenim zahtjevima za jednokratnu novčanu pomoć članovima Sindikata, primio na znanje.*

6.2. Imenovanje potpisnika na kartonu deponovanih potpisa za glavni račun Sindikata

Predsjednik je obrazložio da odlaskom u penziju kolegice Gordane Šarović, predstaju njen prava i obaveze kao člana Sindikata. Obzirom da je kolegica bila i potpisnik na kartonu deponovonah potpisa potrebno je imenovati trećeg potpisnika kako bi platni promet Sindikata nesmetano funkcionisao.

➤ *S tim u vezi članovi UO su predložili i JEDNOGLASNO usvojili da se kao treći potpisnik imenuje član UO Vedran Čolo.*

6.3 Isplata naknade radi odlaska u penziju za dugogodišnjeg i aktivnog člana UO Gordana Šarović

Obzirom da je kolegica Gordana Šarović bila dugogodišnji član Upravnog odbora, predsjednik je predložio da se isplati naknada u iznosu od 200,00 KM u znak zahvalnosti za doprinos aktivnostima i radu Sindikata.

➢ *Upravni odbor je JEDNOGLASNO donio Odluku da se Gordani Šarović isplati jednokratna novčana nagrada za dugogodišnje zalaganje i doprinos u radu Sindikata, u iznosu od 200,00 KM .*

Sjednica završila u 16.56 sati.

Zapisnik sačinila:

Mirela Zaimović

**Predsjednik SDSZ-a
Salih Karčić**